



NDËRMARRJA HIDROEKONOMIKE "IBËR - LEPENC" SH.A.
HYDRO - ECONOMIC ENTERPRISE "IBËR - LEPENC" J.S.C.
VODOPRIVREDNO PREDUZEĆE "IBËR - LEPENC" D.D.

Sheshi "Bill Clinton" Nr.13 Prishtinë, Kosovë Bulevar "Bil Clinton" Br.13 Prishtina, Kosovo
Tel: 038/526-070, 525-006, Fax: 038/526-159; Email: info@iber-lepenc.org

Bazuar në Ligjin Nr. 04/l-012 për Mbrojtje nga Zjarri i plotësuar dhe ndryshuar me Ligji nr. 08/l-261 për Mbrojtje nga Zjarri, Ligjin nr. 04/L-161 për Sigurinë dhe Shëndetin në Punë, Ligjin Nr. 03/L-087 për Ndërmarrjet Publike, i plotësuar dhe ndryshuar me Ligjin Nr.04/L-111 për Ndërmarrjet Publike dhe Ligjin Nr. 05/L-099 për Ndërmarrjet Publike, neni 21 paragrafi 4, i Ligjit për Shoqëritë Tregtare, Ligjin Nr.03/L-212 i Punës, Rregullore (MPMS) nr. 02/2021 për Vlerësimin e Riskut në Vendin e Punës, Statutit Nr.08/868, të datës 30.05.2022, të NPH "Iber Lepenc", si dhe Kodin e Qeverisjes Korporative për Ndërmarrjet Publike, Bordi i Drejtorëve në mbledhjen e mbajtur me datë 29.03.2026 miraton:

Njesia Org. Org. Jedin Org Unit	01/3	Nr. Prot Br. Prot	678
Nr. i faqeve Broj stranica No. pages	1	Date: Custom Date:	17.04.26
PRISHTINE-A		NO.1	

RREGULLOREN Nr.03/2026 PËR MBROJTJEN NGA ZJARRI

PRISHTINE, Mars 2026

KAPITULLI I – DISPOZITA TE PERGJITHSHME

Qëllimi Neni 1

Me qëllim të mbrojtjes të njerëzve dhe të pasurisë nga zjarri dhe me qëllim të zbatimit të dispozitave që dalin nga Ligji i Mbrojtjes nga Zjarri 04/L-012 dhe rregullave tjera në ndërmarrjen „Iber-Lepenc”, ndërmerren masa dhe veprime për largimin e shkaqeve të zjarrit dhe për ofrimin e ndihmës me rastin e largimit të pasojave të shkaktuara nga zjarri.

Fushëveprimi Neni 2

1. Mbrojtja nga zjarri (MZ) përfshinë tërësinë e masave dhe veprimeve juridike, teknike, arsimore dhe te natyrës propaganduese (Panikes).
2. Mbrojtja nga zjarri, organizohet dhe zbatohet, si dhe kontrollohet në të gjitha mjediset, objektet dhe vendet te ndërmarrjes ku ekziston rreziku dhe mundësia për shfaqjen e tij.
3. Këto dispozita dhe masa kanë për qëllim zvogëlimin, largimin dhe marrjen e masave preventive për zvogëlimin ose eliminimin e rrezikut nga kjo lëmi.
4. Punët për mbrojtjen nga zjarri janë në interes te përbashkët të ndërmarrjes si tërësi. Ato janë pjese përbërëse te çdo aktiviteti punues qe organizohet dhe zbatohet njësoj në të gjitha vendet e punës, në lokale, depo dhe objekte tjera.
5. Dëmtimi, shkatërrimi i pasurisë së ndërmarrjes si dhe dëmtimi shëndetit të punëtorëve konsiderohen si dëm apo fatkeqësi për ndërmarrjen.
6. Duke i mbrojtur punëtorët dhe pasurinë e saj, ndërmarrja është e obliguar që, në mënyrë të njëjtë dhe me syqeltësi të njëjtë, të mbrojë edhe objektet fqinje dhe njerëzit që gjenden në rrezik.

Obligimet dhe përgjegjësitë Neni 3

1. Punëtorët në objekte janë të obliguar të veprojnë dhe të zbatojnë masat e mbrojtjes kundër zjarrit, në harmoni me ligjet dhe rregullat ne fuqi.
2. Punëtorët e N.H "Iber Lepenc", ne mënyrë dhe kushte te caktuara me ligj dhe rregulla te aprovuara, janë të obliguar, që me mjete teknike dhe pajisje tjera te marrin pjese në fikjen e zjarrit dhe shpëtimin e njerëzve dhe të pasurisë të rrezikuara nga zjarri.

KAPITULLI II MASAT MBROJTESE NGA ZJARRI

Veprimet të cilat duhet të ndërmerren Neni 4

1. Organizatat projektuese, projektontet , suinvestitorët dhe prodhuesit e pajisjes, si dhe kryesit e punëve te objektit, janë të detyruar me rastin e projektimit, prodhimit te pajisjes, ndërtimit te objekteve, hapësirave, instalimeve dhe stabilimenteve të përdorin masat dhe normat mbrojtëse

nga zjarri te parapara me ligj dhe me dispozita të aprovuara në baze të ligjit dhe masat e aprovuara me rregullore sipas dispozitave teknike.

2. Organizatat projektuese dhe projektantët janë te obliguar kur punojnë për objektin, që masat e mbrojtjes nga zjarri te parapara me dokumentacionin teknik të paraqiten në mënyrë të tillë, që në bazë të dhënave grafike, llogarive dhe sqarimeve teknike mund të vlerësohet sistemi i pranuar i mbrojtjes nga zjarri, funksionaliteti dhe sukcesi i tij.
3. Ne sqarimin teknik duhet te ceken dispozitat gjegjësisht rregullat e parapara teknike në të cilat bazohet sistemi i parapare i mbrojtjes nga zjarri.
4. Me rastin e projektimit dhe ndërtimit te objektit ne te cilën punojnë dhe qëndrojnë punëtorët duhet siguruar kushtet te cilat i mundësojnë, në rast nevojë, mundësin që shpejte dhe pa pengesa te dalin nga objektet e tyre.
5. Çdo dokument teknik (projekt) duhet te ketë te siguruar vërtetimin e organit kompetent te organit Komunal, Inspektionit të mbrojtjes nga zjarri dhe dokumentacionit teknik me dispozitat e parapara ose me rregullore te praktikës teknike, te aprovuara masat mbrojtëse nga zjarri. Pa këto vërtetime organi administrativ kompetent për punë të ndërtimitarisë nuk mund të jep lejen e ndërtimit për objekt.

KAPITULLI III MASAT PREVENTIVE PËR MBROJTJE NGA ZJARRI

Mbrojtja nga zjarri në objekte

Neni 5

1. Mbrojtja nga zjarri në objekte zbatohet me qëllim të pengimit te shkaktimit të zjarrit duke zbatuar veprimet e rregullta të punës dhe veprimet, i cili e pamundëson shpërthimin e zjarrit dhe me detyre te intervenimit te shpejte dhe efikas në rast të paraqitjes së zjarrit. Zjarri i shkaktuar duhet të vihet nen kontroll dhe të pengohet zgjerimi i tij.
2. Çdo punëtor duhet te jete i njoftuar me te gjitha masat preventive qe kane te bëjnë me vendin e tij në punë, objektin e tij dhe duhet të dije të gjitha masat themelore preventive dhe të veprimet nga aspekti i mënyrës së përdorimit të aparateve për shuarjen e zjarrit me mjete që gjenden ne objekt.
3. Të gjithë punëtorët udhëheqësit e drejtpërdrejtë dhe punëtorët tjerë të ndërmarrjes duhet të aftësohen dhe të dinë të ndërmarrin masa të duhura mbrojtëse për pengimin dhe shuarjen e zjarrit, si dhe janë të obliguar të marrin masa të mbrojtjes kundër zjarrit. Në objekte duhet të sigurohet numri i duhur i mjeteve për fikjen e zjarrit.
4. Të gjithë punëtorët duhet të jenë të aftë nga lëmia e sigurisë dhe mbrojtjes nga zjarri për shuarjen e zjarrit. Të gjithë punëtorët e shërbimit të sigurimit fizik duhet ti plotësojnë kushtet e parapara nga dispozitat e ruajtjes dhe sigurisë së pasurisë.

5. Çdo punëtor duhet të përvetësoj dijeni dhe shkathtësi në përdorimin e aparateve për shuarjen e zjarrit fillestar.

Trajnimet profesionale të punëtorëve

Neni 6

1. Ndërmarrja është e obliguar për aftësimin e punëtorëve, mësimin dhe trajnimin e tyre të paraparë me program, me të cilin zbatohet aftësimi profesional, për mbrojtje nga zjarri.
2. Në bazë të Ligjit për Mbrojtjen nga Zjarri dhe me këtë rregullore, parashihen, posaçërisht:
 - a) Masat mbrojtëse nga zjarri me të cilat largohet dhe eliminohet rreziku nga zjarri dhe
 - b) Mënyra e dhënies së lejes për kryerjen e punëve të saldimit, prerjes, lëmimit dhe punëve tjera me flake në vende të përkohshme

KAPITULLI IV PROCESI I SALDIMIT

Neni 7

1. Punët me flakë, qark elektrik, saldimit, gdhendje me autogjen, lëmimi, nxemja, pastrimi me brushë, kalitja etj., duhet patjetër të kryhen në përputhje me dispozitat e dekretit mbi masat e mbrojtjes nga zjarri, me rastin e kryerjes së saldimit dhe lëmimit.
2. Saldimin mund ta bëjnë vetëm punëtorët që i plotësojnë kushtet dhe aftësitë profesionale për përdorimin e pajisjes për saldimit.

Masat preventive ndaj rreziqeve

Neni 8

1. Automjetet nuk duhet të parkohen në afërsi të objektit dhe në afërsi të vendeve të rrezikshme.
2. Në rast zjarri në instalimet elektrike të automjeteve, duhet çkyqur lidhjen e baterive dhe duhet me iu qasë menjëherë fikjes së zjarrit të automjetit me aparate për shuarjen e zjarrit, si dhe të largohen automjetet për rreth që janë të rrezikuara nga zjarri. Sipas nevojës duhet me lajmëruar njësitë profesionale të zjarrfikësve.

KAPITULLI V ORGANIZIMI I MBROJTJES NGA ZJARRI

Neni 9

1. Me qëllim të zbatimit të masave mbrojtëse nga zjarri, përcaktohet edhe mënyra e organizimit të mbrojtjes nga zjarri.

2. Të gjithë punëtorët, përveç që konsiderohen si punëtorë në punë dhe detyra profesionale, janë edhe zjarrfikës dhe kane këto detyra:
3. Përgjegjës dhe kontrollon objektin, lokalet, stabilimentet e sidomos ato vende të ndjeshme ku mund të jetë rreziku nga zjarri. Për shkaktarët potencial menjëherë të ndërmerr masa, së pari të lajmërojë udhëheqësin e ndërrimit, kryepunëtorin por njëkohësisht edhe vet duhet të ndërmerr masa për pengimin e shfaqjes së zjarrit;
4. Të studioj dhe të njihet me të gjitha masat mbrojtëse në objekt në bazë të kësaj rregulloreje dhe me rregullat tjera. Të punoj në ngritjen profesionale nga lëmija e mbrojtjes nga zjarri dhe është i obliguar të ndjekë me rregull të gjitha seminarët, trajnimet, ushtrimet dhe vetvetiu të plotësoj dijeninë e vete sipas detyrave që i jepen nga eproret e vet.
5. Me rastin e pranimit të detyrës duhet ti nënshtrohet kontrollit të aftësive psiko-fizike nga institucioni kompetent i mjekësisë së punës.

KAPITULLI VI TË DREJTAT DHE DETYRAT E PUNONJËSVE

Të drejtat dhe obligimet e punëtorëve dhe përgjegjësitë për mos zbatimin e masave të parapara të mbrojtjes nga zjarri

Neni 10

1. Të gjithë punëtorët e punësuar në ndërmarrje janë bartës themelor të punëve dhe detyrave të mbrojtjes nga zjarri, kanë të drejt dhe obligim që drejtpërdrejt të marrin pjesë në organizimin, zbatimin dhe përparimin e punëve dhe detyrave, gjegjësisht të masave të posaçme dhe të përgjithshme të mbrojtjes së njerëzve dhe pasurisë në harmoni me ligjin, me këtë rregullore dhe akte tjera e posaçërisht:
2. Të organizoj mbrojtjen e të gjitha aseteve që disponon ndërmarrja për të siguruar sigurimin e plotë personal, pasurisë, të njerëzve dhe shoqërisë;
3. Të aftësohet e t' i nënshtrohet verifikimit të dijenisë për ndërmarrjen e drejtpërdrejt të mbrojtjes kundër zjarrit, të eliminoj shkaqet dhe dukuritë e rrezikimit dhe pasojat nga rreziku;
4. Që gjatë punës dhe pas mbarimit të orarit të punës, të përcjell dhe kontrollon punën, funksionimin dhe rregullsinë e makinave, stabilimenteve, instalimeve dhe mjeteve tjera në afërsi dhe për rreth ambientit.
5. Për çdo prishje të lajmëroj përgjegjësit me qellim të eliminimit të defektit i cili mund të rrezikoj sigurimin e njerëzve dhe te pasurisë.
6. Të shfrytëzojë mjetet personale mbrojtëse dhe pajisjet në mënyrë që është e paraparë nga ana e prodhuesit sipas akteve të përgjithshme.

7. Drejtpërdrejt të merr pjesë në shuarjen e zjarrit dhe nëse është e mundur, pa rrezikuar vetë vetën dhe personat tjerë, të lajmëroj:
- Shërbimin e zjarrfikësve në nr tel : 193 ose 112,
 - Policinë në nr-tel :192 dhe
 - Ndhmën e shpejtë në nr-tel : 194

Neni 11 **Masat disiplinore**

1. Masat disiplinore do të ndermerren sipas akteve te brendshme bazuar në të gjeturat në teren si percaktim nga përgjegjësitë e punëtorëve për shkak të mosrespektimit të masave të parapara nga udhëzimet e posaqme qe parashihen me rregulloret e mbredshme mbi sjelljen dhe etikën profesionale.
2. Punëtorët janë të obliguar që gjatë kryerjes së detyrave të punës, t'i respektojnë masat e mbrojtjes nga zjarri, të parapara me ligj dhe akte tjera, me këtë rregullore dhe të urdhërojnë shërbimin kompetent për zbatimin e masave preventive dhe masave të urdhëruara nga organi kompetent.
3. Mosrespektimi i masave të mbrojtjes nga zjarri të cekura në nenin e mëparshëm paraqet shkelje të rëndë të detyrave të punës.

Neni 12

Organizimi i vëzhgimit, lajmërimit, alarmimit për rreziqet nga zjarri

1. Organizimi dhe zbatimi i vëzhgimit, lajmërimit dhe alarmimit nga rreziku i zjarrit është i obliguar për të gjithë punëtorët, por përgjegjës kryesor është kryepunëtori, udhëheqësi drejtpërdrejt dhe udhëheqësi i shërbimit të mbrojtjes dhe sigurisë në punë.
2. Plani i mbrojtjes nga zjarri, është një dokument dhe strategji praktike që përcakton masat parandaluese dhe veprimet që duhen ndërmarrë në rast zjarri, për të mbrojtur jetën e njerëzve, pronën dhe mjedisin.
3. Vendosja e skemave në rast të zjarrit, evakuimi evetual i punëtorëve.

Neni 13

Organizimi dhe mënyra e kryerjes së kontrollit të brendshëm dhe detyrat e punëtorëve që kryejnë këtë kontroll në objekte

1. Sasitë dhe vendvendosja e aparateve, pajisjeve dhe mjeteve për shuarjen e zjarrit caktohen sipas planit të organizimit të intervenimit dhe evakuimit emergjent.
2. Organizimi dhe mënyra e kryerjes së kontrollit të brendshëm në objekte, realizohet nga udhëheqësit drejtpërdrejt, udhëheqësit të ndërrimit etj., përmes kontrollit vizual në:

- a) Aparatet për shuarjen e zjarrit;
- b) Hidrantë për fikjen e zjarrit;
- c) Kutiat shpërndarëse elektrike.

3. Punëtori që kryen detyrën e zyrtarit për siguri dhe shëndetit në punë është i detyruar së paku:

- a) dy herë në vit që të bejë kontrollin detal të masave mbrojtëse,
- b) për çdo 6 muaj të kontrolloj rregullsinë e hidrantëve, aparateve për fikjen e zjarrit nga servisi i autorizuar, si dhe në
- c) çdo të dytin vit të bejë kontrollimin e matjes së përtokëzuesve dhe rrufepritisve.

Neni 14

Kontrollimi, servisi dhe mirëmbajtja e aparateve mjeteve dhe pajisjes për shuarjen e zjarrit

1. Për shuarjen e zjarrit në mënyrë efikase dhe intervenim efikas me aparate dhe pajisje është e domosdoshme të plotësohen dy kushte:

- a) Që aparatet për shuarjen e zjarrit të jenë gjithmonë në gjendje të rregullt dhe të jetë i servisuar sipas ligjit të mbrojtjes nga zjarri.
- b) Të gjithë punëtorët duhet t' i dinë veprimet sipas rregullave dhe të jenë të sigurt në përdorimin e aparateve dhe pajisjen për shuarjen e zjarrit , dhe të veprojnë në mënyrë sa më të shpejtë në situata të papritura.

2. Vendosja dhe mirëmbajtja është element me rëndësi që në masë të madhe zgjatë qëndrueshmërinë e rregullsinë e aparateve për fikjen e zjarrit. Aparatet duhet vendosur në vendet e mbrojtura nga ndikimet atmosferike (shiu, dielli, ndyrësitat etj.).

3. Kontrollimi i aparateve për fikjen e zjarrit, në bazë të kontratës për servisim dhe mirëmbajtje, konstaton se:

- a) a janë aparatet e vendosura në vende të mbrojtura nga shiu dhe dielli.
- b) a është i mundshëm ofrimi pa pengesa,
- c) a janë në aparate të vendosura bllokat dhe siguresat,
- d) a gjendet në çdo aparat kartela kontrolluese e vërtetuar nga personi zyrtar dhe i autorizuar.

4. Këtë kontrollim në objekt është i obliguar për çdo ditë ta kryen punëtori përgjegjës për mbrojtjen kundër zjarrit dhe eprori i drejtpërdrejt.

5. Servisimin e aparateve duhet besuar servisit të autorizuar. Në aparatet e grupit "P" (aparate me pluhur) përfshihen këto punë :

- a) Hapja e aparatit, shkundja dhe përzierja e pluhurit,
- b) Largimi, kontrolli dhe matja e enës me CO₂ ,
- c) Kontrollimi i ventilit, ventilin sigures, lidhjeve të zorrëve të gomës dhe zorrës shpërndarëse,
- d) Eliminimi i prishjeve të vogla dhe zëvendësimi i tyre me pjesë të reja origjinale

- e) Mbushja me pluhur, mbyllja e aparatit, blombimi dhe shënimi i kontrollit me kartelën kontrolluese (data dhe nënshkrimi i vërtetuar me vule).
- f) Në aparatet e grupit CO₂, kontrollimi i matjes me peshore i aparateve dhe përcaktimi i përmbajtjes, sasisë të shprehur në kilogram të CO₂ në aparat, janë të ndryshme, ndërsa veprimet tjera janë identike me veprimet në aparate me pluhur.

Neni 15

Aftësimi profesional

Çdo punëtor është i obliguar që të merre pjesë në mësimin e organizuar teorik dhe praktik që organizohet në kuadër të ndërmarrjes, me qëllim të njoftimit me rreziqe dhe masa kundër zjarrit, përdorimin e pajisjes dhe mjeteve për fikjen e zjarrit.

Neni 16

Hyrja në fuqi

1. Me hyrjen në fuqi të kësaj rregullore shfuqizohet Rregullorja për Mbrojtje nga Zjarri Nr.01-1741, e datës 11.06.2010.
2. Kjo rregullore hyn në fuqi në datën e miratimit nga Bordi i Drejtorëve.




Bajram MUSTAFA
Kryesues i Bordit të Drejtorëve

NPH "Ibër Lepenc" Sh.A